

## ՀՈՒՇԱԳԻՐ ՄՏԱԴՐՈՒԹՅՈՒՆՆԵՐԻ ՄԱՍԻՆ

ՀՀ ԿԳՆ «Ընտանիք» մանկապատանեկան ստեղծագործական կենտրոն պետական ոչ առևտրային կազմակերպությունը (այսուհետ՝ Կենտրոն) ի դեմս տնօրեն Քնարիկ Ահարոնյանի, որը գործում է կազմակերպության կանոնադրության հիման վրա եւ «ՇՏԸ» (Շիրակ տեխնոլոգիական ընկերություն) ՍՊԸ-ն (այսուհետ՝ Ընկերություն), ի դեմս տնօրեն Ավետք Եսայանի, որը գործում է ՍՊԸ-ի կանոնադրության հիման վրա (այսուհետ՝ կողմեր) հաշվի առնելով.

- բարձր եւ տեղեկատվական տեխնոլոգիաների ոլորտում գործող ընկերությունների համար նոր բարձրակարգ մասնագետների պատրաստման անհրաժեշտությունը Գյումրի քաղաքում եւ հյուսիսային տարածաշրջանում,
- Գյումրիում գոյություն ունեցող ավանդական տեխնիկական եւ ֆիզիկա-մաթեմատիկական գիտությունների մասնագիտական ընդգծված մրցունակությունը, ինչպես նաեւ ՏՏ ոլորտում մտավոր ներուժի որոշակի պոտենցիալի առկայության կարելուագույն գործոնը,
- մատաղ սերնդին պատանեկան հասակից ժամանակակից տեխնոլոգիաներին ավելի մոտ բերելու առաքելությունը եւ մասնագիտական կողմնորոշումը ՏՏ արդյունաբերության մրցունակ հատվածի մեջ ներգրավելու միտումները,
- մայրաքաղաքից դուրս բարձր տեխնոլոգիաների ապակենտրոնացման գործընթացներ ստանձնելու եւ նախադրյալներ ստեղծելու նկրտումները,
- հյուսիսային տարածաշրջանում տեղեկատվական տեխնոլոգիաների ոլորտում գոյություն ունեցող կրթական մակարդակի շեմի բարձրացման գերնպատակը,
- երիտասարդների եւ բուհ ընդունվողների ավելի պատրաստված սերունդ զարգացնելու ծրագրերը,
- միջնակարգ մասնագիտական կրթօջախներ ստեղծելու հիմքեր եւ նախադրյալներ ձեւավորելու սաղմնային քայլերը (համակարգչային ճարտարագիտության, էլեկտրոնիկայի, ծրագրավորման, ռադիոտեխնիկայի եւ այլ հարակից ասպարեզներում),
- տեխնիկապես պատրաստված երիտասարդների կրիտիկական զանգված պատրաստելու առաքելությանը՝ ավագ դպրոցներում պրակտիկ փորձառություն ձեռք բերելու բացը լրացնելու ձգտմանը,
- Գյումրի քաղաքում պատանիների համար բարձրակարգ մասնագիտական-տեխնոլոգիական խմբակների ենթակառուցվածքներ ստեղծելու ծրագրերը (էլեկտրոնիկայի, վեբ ծրագրավորման, հեռահաղորդակցության եւ այլ մասնագիտական ուղղություններում),

կնքեցին հուշագիրը հետեւյալի մասին.

1. Սույն հուշագրով նախատեսված խնդիրների իրականացման նպատակով կողմերը համաձայնվում են.
  - 1.1 Գյումրի քաղաքում ստեղծել ռադիոէլեկտրոնիկայի եւ վեբ ծրագրավորման ուսումնական խմբակ Կենտրոնի կազմակերպատիրական կառույցի հովանու ներքո:
  - 1.2 Ներդնել «Շիրակ տեխնոլոգիական ընկերության» կողմից մշակված գիտամեթոդական կրթական մոտեցումները բարձր տեխնոլոգիաների ասպարեզում կրթական ծրագրեր իրականացնելու համար:
  - 1.3 Ռադիոէլեկտրոնիկայի եւ վեբ ծրագրավորման կրթական ծրագրերի կազմակերպման եւ իրականացման համար Կենտրոնը տրամադրում է տարածք, սարքավորումներ եւ միջոցներ, իսկ Ընկերությունը՝ գիտատեխնիկական խորհրդատվություն եւ գիտամեթոդաբանական նորարարության մոտեցումներ: Կենտրոնի կողմից տրամադրված միջավայրն ու

մեխանիզմները համատեղվում են ընկերության կողմից հաստատագրված եւ ֆորմալ հսկողության տակ իրականացվող կրթական պահանջներով:

1.4 Ստեղծվելիք կառույցը գործարկելու համար կողմերը տրամադրում են միջոցներ.

1.4.1 Կենտրոնը՝ գույք, սարքավորումներ:

1.4.2 Ընկերությունը՝ գիտական փորձագիտություն եւ խորհրդատվություն:

2. Կողմերը համաձայնվում են նաեւ, որ կենտրոնում դասավանդող մանկավարժների վարձատրությունը կկատարվի կենտրոնի կողմից նրանց հետ կնքված պայմանագրերի հիման վրա: Մանկավարժների ընտրությունը, կրթական ծրագրերի հաստատումն իրականացնում են համատեղ: Մանկավարժները մեթոդիկայի համար պատասխանատու են նաև ընկերության ներկայացուցիչների առաջ:

3. Սույն հուշագիրը կարող է հիմք հանդիսանալ առանձին պայմանագրերի կնքման համար, որոնցում կճշտվեն կոնկրետ միջոցառումները, կամրագրվեն համատեղ իրականացման եւ ֆինանսական եղանակները եւ ժամկետները:

4. Սույն հուշագրի կնքման եւ կատարման հետ կապված կողմերի փոխհարաբերությունները բնութագրվում են միմիանց նկատմամբ ցուցաբերվող հատուկ վստահությամբ, ինչպես եւ անձանց, որոնք ի վիճակի են լավագույնս ապահովել սույն հուշագրի նպատակի իրականացումը:

5. Սույն հուշագիրը բաղկացած է 2 էջից, կազմված է հայերեն լեզվով եւ կնքվում է երկու հավասարազոր օրինակից՝ յուրաքանչյուր կողմին մեկական օրինակ:

6. Սույն հուշագիրն ուժի մեջ է մտնում կողմերի ստորագրման պահից:

7. Սույն հուշագրում փոփոխություններ եւ լրացումներ կարող են կատարվել բացառապես կողմերի գրավոր համաձայնությամբ, որը կհանդիսանա սույն հուշագրի անբաժանելի մասը:

**«Ընտանիք» ՄՊՍԿ**

**ՊՈԱԿ**

**«ՇՏԸ» ՄՊԸ**

ՀՎՀՀ՝ 05504412

ք. Գյումրի, Թեթչերի փող. 1ա



Քնարիկ Ահարոնյան



«15» հոկտեմբեր 2008թ.

ՀՎՀՀ՝ 02557468

ք. Երեւան, Լեոյի 7, բն. 4



Ավետիք Եսայան



«15» հոկտեմբեր 2008